

ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ

ՀՀ ԳՈՐԻՍ ԽՈՇՈՐԱՑԿԱԾ ՀԱՄԱՅՆՔՈՒՄ ՄԱՍՆԱԳԻՏԱԿԱՆ ԿՈՂՄՆՈՐՈՇՄԱՆ ԵՎ ԿԱՐԻԵՐԻԱՅԻ ՈՒՂՈՐԴՄԱՆ ՀԱՄԱՅՆՔԱՅԻՆ ԿԵՆՏՐՈՆԻ ՍՏԵՂԾՄԱՆ ԵՎ ԶԱՐԳԱՑՄԱՆ ԿԵՆՏՐՈՆ

Ք. Գորիս 28 12 2018թ.

Գորիս համայնքի ղեկավար Առուշ Առուշանյանը և «Գործընկերություն և ուսուցում» հասարակական կազմակերպության (այսուհետ՝ ԳՈՒՄ ՀԿ) գործադիր տնօրեն Արտաշես Տոռոզյանը (այսուհետև Կողմերը) համաձայնության են գալիս Գորիս խոշորացված համայնքում Սոցիալական գործընկերության զարգացման շուրջ՝ նպաստելով համայնքում մասնագիտական կողմնորոշման և կարիերայի ուղղորդման համայնքային կենտրոնի (այսուհետև՝ համայնքային կենտրոն) ստեղծմանն ու զարգացմանը:

ՆՊԱՏԱԿՆԵՐԸ

- ❖ Նպաստել Գորիս համայնքի շահագրգիռ կողմերի միջև (բիզնես կառույցներ, կրթական հաստատություններ, ՏԻՄ, ՔՀԿ, Զբաղվածության տարածքային կենտրոն) սոցիալական գործընկերության ձևավորմանը,
- ❖ Նպաստել համայնքում մասնագիտական կողմնորոշման և կարիերայի խորհրդատվական համակարգի արդյունավետության զարգացմանը, զբաղվածության մակարդակի բարձրացմանը, նորարարության և ձեռներեցության խթանմանը,
- ❖ Նպաստել Գորիս համայնքում մասնագիտական կրթության և ուսուցման (ՄԿՈՒ) առաջարկի և աշխատաշուկայի (ԱՇ) պահանջարկի համապատասխանության բարելավմանը:

2. ԿՈՂՄԵՐԻ ՀԱՆՁՆԱՌՈՒԹՅՈՒՆԵՐԸ

Գորիսի համայնքապետարանը պատրաստակամ է՝

- ❖ Աջակցել Սոցիալական գործընկերության համայնքային խորհրդի/այսուհետ՝ համայնքային խորհուրդ/ ձևավորմանը,
- ❖ Տրամադրել բարեկարգ տարածք համայնքային կենտրոնի գործունեության կազմակերպման համար
- ❖ Համագործակցել համայնքային խորհրդի հետ՝ համայնքային կենտրոնի երկարաժամկետ ռազմավարության մշակման, ծրագրերի պատրաստման և իրականացման գործընթացներում
- ❖ Համայնքային բյուջեից տրամադրել ֆինանսական միջոցներ 2019թ-ին համայնքային կենտրոնի աշխատանքներն արդյունավետ կազմակերպելու համար
- ❖ Նպաստել համայնքային կենտրոնի հեղինակության բարձրացմանը տեղական և ազգային մակարդակներում:

ԳՈՒՄ ՀԿ-ն պատրաստական է՝

- ❖ Տրամադրել գույք և սարքավորումներ համայնքային կենտրոնի աշխատանքների կազմակերպման համար,
- ❖ Ջարգացնել համայնքային կենտրոնի անդամների կարողությունները,
- ❖ Ստեղծել Գորիս համայնքում աշխատանք փնտրողների էլեկտրոնային բազա՝ ըստ մասնագիտությունների և կարողությունների,
- ❖ Ստեղծել կադրային բանկ,
- ❖ Քարտեզագրել համայնքում առկա աշխատատեղերը
- ❖ Ստեղծել առցանց հարթակ, որտեղ հասանելի կլինեն համայնքում առկա աշխատատեղերը,
- ❖ Աշխատանք փնտրողների համար ստեղծել այլընտրանքային կրթության հնարավորություն(օտար լեզուների, համակարգչային հմտությունների և այլ ուղղությամբ վերապատրաստումների կազմակերպում)
- ❖ Աշխատաշուկայի կարիքներից ելնելով՝ աշխատանք փնտրողներին դարձնել մրցունակ վերապատրաստումների և կարողությունների զարգացման միջոցով,
- ❖ Անհրաժեշտության դեպքում կազմակերպել հարցազրույցներ և, գործատուների պահանջներից ելնելով, կատարել աշխատողների ընտրություն,
- ❖ Տրամադրել անհրաժեշտ խորհրդատվություն համայնքային կենտրոնի գործունեության արդյունավետության բարձրացման համար,
- ❖ Ապահովել համայնքային կենտրոնի գործունեությունը,
- ❖ Ձևավորել համայնքային կենտրոնի արդյունավետ համագործակցությունը տեղական և միջազգային շահագրգիռ կառույցների հետ,
- ❖ Տրամադրել խորհրդատվական ծառայություններ (դասընթացներ, խորհրդատվություններ, քոռչինգ) Գորիսի համայնքապետարանին:

Կողմերը կարող են նաև՝

- ✓ Համատեղ իրականացնել Կողմերի ներկայացուցիչների ներքին հաղորդակցման զարգացմանն ուղղված հանդիպումներ,
- ✓ Համատեղ իրականացնել հանրային իրազեկման միջոցառումներ, այդ թվում՝ զանգվածային լրատվամիջոցներով, ուսումնասիրություններ և հետազոտություններ,
- ✓ Համագործակցել փոխադարձ հետաքրքրություն ներկայացնող այլ միջոցառումների շրջանակներում:

3. ՀԱՄԱԳՈՐԾԱԿՑՈՒԹՅԱՆ ՀԻՄՆԱԿԱՆ ՍԿԶԲՈՒՆՔՆԵՐԸ



Կողմերը պարտավոր են առաջնորդվել համագործակցության հետևյալ հիմնական սկզբունքներով՝

- ✓ փոխադարձ վստահություն,
- ✓ պատասխանատվություն,
- ✓ փոխըմբռնում և փոխգիջում,
- ✓ թափանցիկություն:

4. ԵԶՐԱՓՈՒԿ ԴՐՈՒՅԹՆԵՐ

- 4.1 Հուշագիրն ուժի մեջ է մտնում Կողմերի ստորագրման պահից և գործում է անժամկետ:
- 4.2 Սույն Հուշագրի ցանկացած փոփոխություն կատարվում է գրավոր և դառնում նրա անբաժանելի մասը:
- 4.3 Հուշագիրը կարող է դադարեցվել Կողմերից յուրաքանչյուրի նախաձեռնությամբ, մյուս Կողմին առնվազն 30 օր առաջ գրավոր տեղեկացնելու պայմանով:
- 4.4 Սույն Հուշագրի վերաբերյալ Կողմերի միջև ծագած անհամաձայնություններն ու վեճերը լուծվում են Կողմերի բանակցությունների միջոցով:
- 4.5 Սույն Հուշագիրը կնքվում է երկու բնօրինակից, հայերեն լեզվով, յուրաքանչյուր Կողմին տրվում է մեկական օրինակ:

5. ԿՈՂՄԵՐԻ ՎԱԿԵՐԱՊԱՅՄԱՆՆԵՐԸ

<p>Գորիս համայնք</p> <p>Համայնքի ղեկավար Ա.Առուշանյան</p>  <p>Կ.Տ.</p>	<p>«Գործընկերություն և ուսուցում»/ԳՈՒՄ հասարակական կազմակերպություն</p> <p>Տնօրեն՝ Ա.Տոռոզյան</p>  <p>Կ.Տ.</p>
--	---